



花宜館詩鈔卷之三

錢塘吳振械宜甫

古今體詩九十七首

起癸未春
盡甲申春

開帆

幾日椒盤慰寂寥官程催客放輕橈開帆風滿潮初上
夾岸山明雪未消春入故園翻索寞夢看衰髮更蕭聊
眼前已是天涯路愁壘難憑越酒澆

富陽

春色不能畫青山滿富陽潮聲一夜雨隨夢下錢唐渚
月依帆落林風入磬長野梅三兩樹猶似故園香

花宜館詩鈔卷三

桐廬

瀟灑桐廬縣征帆第幾程潮痕沒春草山勢俯孤城樹
暝雲無罅江空雨有聲牽筴讀若彈就漁浦船尾乍鳴鉦

大風進瀧口

水勢東趨海顛風卷卻迴斜灘飛陣石孤棹撼晴雷樹
遠高帆出沙平小市來塵勞愧真隱不上釣魚臺

西臺

正氣文山後艱難託隱淪乾坤無淨土慟哭賸遺民聊
髮殘篇在招魂戰鬼新誰歌竹如意朱鳥下江濱

視日

視日已當午飯香吹柁樓雞聲短籬外風色急灘頭村
屋初歸燕晴沙亂泊鷗詩懷清絕處漁唱隔烟洲

捕魚歎

捕魚不用朔與舸編竹作筏何堅牢一頭貼水青拖梢
一頭縛急軒然高厥長三丈濶踰尺兩腳以外飛波濤
波濤激石白齒齒撇旋更比掛帆駛狂呼拍手下前灘
烏鬼翻身入波底一人一筏巡百市百筏百人圍忽合
纖鱗巨鬣無處逃日暮人聲水聲雜嗟哉竭澤古所訶
今人巧取術轉多一朝魚盡生計斷始悔食求非勝筭

自常山至玉山

花宜館詩鈔

卷三

二

漠漠茶烟青一里幾村店客子青竹兜小憩了不厭芳
黃溼寒姿全樹綠猶欠疏疏綴花當稍覺春氣醞雛鳩
呪雨緩巾角未須墊晚投縣樓東竹榻各分占溪魚可
憐紫一飯易屬饜陸行亦何勞絕勝風蒲帆

弋陽

炊烟裊殘照歷歷見人家雲護仙壇古江流弋字斜新
旌移竹肉歸榜足魚蝦客夢原難穩非關確舍譁

停舟

雪消彭蠡壯春流遠色蒼茫一望收萬木有聲風斷渡
孤村如畫客停舟荒荒月出魚龍醒耿耿燈孤嬾子愁

苦惜飛騰看短髮終思歌歎託滄洲

江行雪中作

風力春猶猛飛翻水氣昏帆收天際影門掩雪中邨妻
勸餘盃盡奴分敝溫溫莫驚沙上鴈憐爾亦羈魂

獨遊滕王閣

珠簾畫檻尙岩堯帝子蒼茫不可招樹外匡廬迴暮鴈
雨中溢浦接春潮詞場意氣空揮灑幕府風流久寂寥
獨把烟雲閒領略瓦盆沙岸就漁樵

樟樹鎮王文成公誓師處

鼓角十三營江波撼戰聲君王空好武儒者始能兵名

花宜館詩鈔

卷三

三

大讒難雪功成涕轉傾從來擊狐鼠難過翦長鯨

浮湘

扁郎唱鷓客浮湘何處涔陽與岳陽

聖代有才無放逐古人不死是文章曹騰三月春將暮
哀怨千秋草尙香誰解閒身就漁父空留明月照滄浪

舟中偶成

江上移舟霽色澄杏花榆莢散春暎雲光夾日趨衡岳
樹色拖烟過醴陵沙圻鼉身晴徙岸月涼魚尾健逃罾
空誇醞滌秋香醖百榼狂傾病未能

朱洲

客路不知春打槩風日好緩緩轉溪橋牛羊散芳草

竹鷄塘

竹鷄啼處滑春泥湘草如烟翦碧齊睡起一聲漁篴遠
片帆斜日洞庭西

至常德謀陸行暫僦逆旅卽已卯伊黔時所居也

有懷祝九蘅畦

慶蕃

祝卽同使黔者時提學廣

西

山禽勸客把吟鞭逆旅還留信宿綠月色寒生五溪外
樹身長過四年前玉堂回首如天上華髮傷心到酒邊
課士羨君多暇日驂鸞新錄付霞牋

花宜館詩鈔

卷三

四

兩宿桃源

暢好仙源客到遲山中鷄犬笑人癡疏簾一夜濛濛雨
已是桃花落盡時

槃瓠謠

精夫來映徒來闌千十二高崔崔

夷人居屋有關千十二之說

夷人

居山用山例上有太陽下有地長官盟我後或淪生兒
成驢女成豬長刀鑄自兒初生兒長過刀能佩兵朝磨
夕淬黔溪明黔溪明黔山橫漢官清夷人乎

黔山雜述

西南入甌脫羣峭忽奔轆縱橫支榦分十九圖經漏崇

欲疊鈞鎖刻畫豁氛零百狀斲渾淪一氣孕堅瘦但經
意想到未筭奇險搆迤邐如屏張妥帖等孟覆形端從
臣笏氣猛戰士胄欲行不行龍將飛未飛鷺爲陽闢陰
闔若神馳鬼驟脈急前後承勢仄左右救鎗訝脇側穿
空洞腹中透冷白塘孤鈿純碧熨萬皺倒空壓鵬翼旁
突截馬脰直教地形窮方信天巧富仰掇星如碁俯聽
雷出竇嵐陰暗如夢雲氣怒欲鬪兩厓架垂虹一竅納
急溜迎曦谷含楮裂壘石畫籓危陁厯漸盡餘勢蓄猶
厚稍稍疆場開草草室廬陋柱短石覆檐牆低版縮踰
屋頭鷄爭啼牀下豕忽狗畸零不成村雙隻或依堦窺

花宜館詩鈔

卷三

五

人闖狂魑奪路走驚狖深蘿頑陰闕怪樹雜色椽松液
胎人形丹汞達奇臭毒蕨愁鈎穿瘴藥懼攀嗅嗟茲黔
土堯太半楚客儻賦賦割溝塍獠界雜鈔耨天寒衣拚
斝日午甌絕餽引藤勸斟酌毀瓶招譟詬畚爭枯槎拾
碑禁啞泉漱睢盱心寡營寒苦骨易壽矧彼種人繁益
慨夷俗狙鑄刀先試人伏弩工殫獸縛楮招寡雌吹蘆
合蠻奏卜惟用荒茅處竟穴深窳剝牛神蒞盟放蠱鬼
伏兕險則鋌走疾怒卽羣吠喉聆音耳如塞觀狀眼欲
瞽悴膚憐僕哀怖魄惜兒幼豈有險踰此而竟客來又
王程迫馳驅野食互勸侑帶悲移孔寬字失疥壁舊偵

邏絕鈴柝嘯詔溷庖廩館人孰饋餼客耶轉匿綬宵驚
夢多魘鄉遠心自疚習勞健能任脫險禍誰宥但歌行
路難敢悔作計謬安得付剗夷曠蕩見宇宙

玉屏道中

萬里看春色蕭然客眼中亂鶯山店雨一蝶戍旗風歲
月驚飛絮妻孥共轉蓬終當決歸計蓑笠逐溪翁

宿鎮遠客舍是己卯年舊館

暫歇翻雲碧玉蹄滄陽四月草侵堤山爲城郭環三面
鎮遠無城前臨濼地有風濤壯九溪細柳繞營饒吹靜

巒花覆岸估帆低憐余苦逐春前燕萬里來尋舊壘棲

花宜館詩鈔

卷三

六

重安江

不須帆鷁競中流巨纜橫江穩放舟江上午晴風乍暖
亂翻雲影白于鷗

大峯洞

穹然覆大屋百畝見摩谿向非神仙居定復穴慘魃石
壁青查牙氣象入悲怛冷雲蕩其中欲去不得脫瀚然
迸一竅飛作白龍活深入尤冥茫曲折幾程達大磬發
鐘鏞風勢捲空濶吐溜據神虬救此一村渴

村人入洞汲水

重遊牟珠洞

攜筇秉炬昔年遊從者曾驚谷絕幽山寺再來僧已老

洞雲終古氣如秋地無昏曉陰陽割天與雕鑿渾沌愁
奇勝不曾探奧窔空教兩度駐征旂

洞極深遊者
率畏險而止

楊老驛

泉聲三百折送客下青山遠樹圍村暝孤雲帖石閒送
迎煩老卒居處託羣蠻野鳥忘霄漢朝飛暮自還

響琴峽

蒼厓剖雙闕一水入其阻清宵雨鳴沙高漲激如弩沈
沈陷深黑過鳥不敢舞天風一迴薄客耳太淒苦

貴陽道中

架架格格山鳥啼四月雨多秧滿畦行人下馬日將午

花宜館詩鈔

卷二

七

開徧一村紅刺梨

石板房

易瓦以石山居間有之此
則比屋皆然遂名其地云

不陶昆吾泥不割黃州竹磨刀萬片割蒼雲差差鋪作
魚鱗蹙驚鳳飄瓦瓦不飛何須歲換茅龍衣微陰十日
春氣潤一簇碧襯苔花肥十家五家結鄰住黃鷄飛來
屋頭樹移燈牆角客閉門山雨浪浪無漏痕

自鎮甯至坡貢

真山如假山累石百萬荒荒不戴土生氣天所斲樹
既無灌叢草亦不滋蔓但見石作花枯白圻圓暈蛾緣
入愁慘雲膚削肥嫩其色不可犯萬劍怒欲奮是如古

壯士違復論姿韻升梯旣無憑下坂亦易僨中伏不測
機生死爭尺寸馬行苦瑟縮用巧乃在鈍出山迫禺中
瞥見爨烟噴瘴癘欺空腸客子且強飯

郎岱

不識昆明路迢迢尙幾程人烟占諸嶺星氣逼孤城老
蝠燈檐影饑猿澗樹聲客魂殊未穩檣枕數殘更

大鐵關

今行嗟頓涉昨望駭崎嶇鑄鐵成千仞當關雄一夫天
邊孤堞出杖底亂雲扶畫手知多少奇情有此無

下拉邦坡至毛口渡河宿

花宜館詩鈔

卷三

八

高嶺森夏寒裘破尙可衣豈知毛口渡波浪熱如沸四
序燦天時一步劃地氣造化欺窮途簸弄吁可畏蕭條
晚投裝驛路入叢卉開窗驟驚鼠照壁暗綠罍無聊謀
一飽餘味但椒藜思親馳尺素苦境語多諱猶恐開緘
時西望動獻欸

阿都田

古人多警言安有巨靈掌如何長厓長一一孽爲兩石
聳鵬囑騫徑折蛇身枉何以酬饑疲凌虛得奇賞天慳
一旦破妙境爲客餉惜哉不傳翼絕頂未得上不然九
州外放眼更蕭爽過幽戒久留小憩餘力養

老鷹崖

蒼鷹饑搏人斗向馬前落仰穿瘴箐重俯瞰陰霞惡盤
空作勢怒難斂腳下山低青萬點雲吞霧噏弄精靈鶴
怨鸞愁避高險晨躋山椒暮至麓勞歌遠近聲相續熱
瘴噴空慘淡黃毒泉注澗迷茫綠老鷹當道旣予阻小
鷹側出復予侮老鷹崖下
有小鷹崖愚公不來五丁死遂令此恨
成終古鷹乎不擊狐與鼠窟之宅之乃倚汝橫將氣勢
壓九州鷹乎鷹乎吾汝羞

雲裏

雲裏嶙峋見翠微
山山都受白雲圍
上坡卅里穿雲出

花宜館詩鈔

卷三

九

更有白雲頭上飛

劉官屯

一峯雲一抹雲外路應窮
猿沐陰厓雨鷹盤大壑風
山厨隣市遠社鼓識年豐
繫馬開荒驛孤燈向客紅

山僧

山僧留客坐門對青山開
殷勤贈良藥道是鹿銜來

連峯

連峯若聚屯削壁忽孤蹲
但覺乾坤隘安知岱華尊
松篁養靈氣星斗俯中原
慎莫輕歌嘯高高傍九關

入滇界路稍坦夷是日宿平彝縣

崎嶇歷三旬瘦馬疲屢駕青山落馬後脫險聊慰藉暮
息平彝縣歷歷望閭舍人烟帶樹色十里碧無罅泉聲
確舍急花影驛牆謝一燈照蟲語瀟灑不知夏

書店壁

雲去山月來雲來山月去孤客未眠時青山最深處

雨後山行

長風蕩林樾五月有秋聲客起雨初止曉涼蟬乍鳴中
峯晴色轉破寺亂泉生莫過猿啼處恐傷羈旅情

大鼎山海潮寺

依山種松直到頂斜飛上天翠虬冷松陰斷處開精廬

花宜館詩鈔

卷三

十

一佛伴僧山上居門前海子風聲大

山下巨浸俗稱嵩明海子

浩浩

長天飛鳥過輕衫短策下山來白石如羊滿山臥

安甯州

地入連然縣村多獨錦蠻亂花春後路落日馬前山駝
父迎官去鹽郎結隊還青蛉川上水不共容心閒

姚州道中

行盡關山遠真誇意氣豪名川經枏棟古國問哀牢風
掠驚禽散星懸戍火高翻憐閉門日一徑守蓬蒿

夜發捨資比曉至六里箐

久役僕病疴一臥魂已死鄰鷄自苦啼夜半呼不起豈

不恤苦辛蓐食非得已東馬出店門踏險慎鞭箠緣山
行百折出入雲表裏流烟若波濤一壑白無底篙深失
星月鬼氣冷入髓冥行欲何託自嘆不知止有虎幸不
啗枕石睡方美

安南坡

客子何勞勞山意自閒靜梯苔仄厓升過鳥怵鞭影石
髓活新泉銅花繡荒礦蕭條絕樵汲五月氣淒冷遠揖
青崖崔日落定西嶺

定西嶺

卽昆彌山以沐平西得名又嶺之
東南有故壘元滅大理時屯兵處

昆彌干仞鬱岩巖亂草連雲戰骨銷近喜關門通遠貢

花宜館詩鈔

卷三

十一

嶺上
有關漫尋碑碣問前朝紅泉轉壑山俱響翠磴摩天馬
不驕西去亦知蒼洱近那堪塵鬢已飄蕭

蒼山

不辭行萬里來看點蒼山驚瀑鳴秋亂奔雲挾雨還勢
能爭五岳天與鎮諸蠻媿我塵埃下相招戶牖間

晚坐頤雲垞

山禽倦知返暝色到庭松月上明懸瀑雲移過別峯風
簾秋浪細石鼎夜香濃吏事粗能了青燈與未慵

閱滇繫雜錄永明舊事而作

東方日出耀滄溟牛角山河燭火熒犀主爪牙羣盜賊

蠻天歌哭小朝廷赭陘臺畔雲都散舊晚坡前草尚青
誰把奇功覓封賞金蟬風雨不堪聽

吳三桂以弓弦繼
永明於金蟬寺

孔雀

文禽南中產音亮骨格穩軒檻爲人娛豎尾豔霞晚遐
睇炯星眸烟衢匪云遠胡戀蛇魚腥坐令真氣損文章
空照耀意態就偃蹇吁嗟萬羽翼所託爭枯苑臬頭撩
風狂鷹翅決雲很偶遭鳳凰睡此輩快饒吻爾當惜毛
羽毋與衆族混饑飽何足言幽勝在雲巖

厥述四首

華楹具百戲雕俎羅八珍指使諸僮奴佩服麗且珍問

花宜官詩鈔

卷三

七

官所職掌實惟銅與銀朝上一紙書暮領十萬緡會稽
足課額可以娛嘉賓勿謂官豪華視昔官已貧頗聞有
某某憑陵居要津巨僚日相狎小吏不敢曠積金北斗
高歌舞難具陳歌舞豈不歡事勢如轉輪朝廷固寬大
國法亦以伸事過三十年殘魄含酸辛官今當黽勉富
貴天所命叶鳩卮與漏脯智者終逡巡不見銅山下古
有饑死人

滇厥四十八寶路區瘠肥媪神豈愛寶苗脈有盛衰攻

采矧云久造物亦告疲甯台與湯丹

銅厥之最大者

今亦異曩

時比資烏坡銅鏈鑿逮窮夷

滇銅不足以蜀之烏坡
厥銅鑿之厥在夷地

小

厥益衰竭徵課檄如馳何從獲硬硤洞謂之嘈嘈石堅

獲大間或得草皮浮淺而少者鷄窩不滿萬此諺語鷄窩礦出銅

之少餓鞘亦奚為餓鞘有苗無礦長菱入龍窟水洩費不貲洞

積水百計涸之謂之拉龍費曰水洩年年告缺額呵譴安敢辭我聞古銅

官坊冶各有司方今吏事繁難理如亂絲况復異厥政

最殿較銖錙既耕復使織蹙蹙安所施誰能劑虧盈法

美用意微上瞻九府供下給家室私官私兩不病治術

其庶幾湯丹甯台二厥專員管理餘皆牧令兼其職

受事平其爭厥長凡有七客長主官事課長主納課爐頭主爐火鍋頭主供食鑊頭

主鑲架洞長主嘈硃炭長主薪米錘手與砂丁是皆長所帥有犯則挾

花宜館詩鈔卷三 三

之如奉令甲乙背荒何勞勞開洞負土也晝夜戒無佚帕首

縛一燈行若緣縫蝨仰攻亦俯入但懼引綫失銅苗曰引綫

風穴竅給笏入深苦悶鑿風洞以疏之廂木架疏密洞慮下陷支以木間二尺餘支

木四曰一廂洞之遠近以廂計龍驚地軸裂一入不復出悲哉乾蟻子

枯腊黑于漆洞陷則死者無葬屍不腐者曰乾蟻子更聞扯火勤爐罩難

畢述煎礦曰扯火煎紫板用美人爐將軍爐蟹殼用紗帽爐啞銅用火風太極爐銅夾銀用推爐鉛夾銀

用蜈蚣罩黑銅用蝦蟆罩罩者爐之別種金銀發猛氣浸淫為癘疾去此憂

饑寒一死豈自恤爭尖與奪嘈刀劍鬪狂獠東西異綫開采而同

得一礦則有爭尖奪嘈之事一朝烏獸散探胠入人室索之籍無名

山箐費窮詰持以問長官填撫用何術

厥主半客籍逐利來窮邊

出賃開采者曰厥主率皆入客籍其自稱曰客民

入

官報試采自竭私家錢欣然大堂獲繼以半火煎

礦最旺曰

大堂晚煎曉成謂之半火

抽課得羨餘三倍利自專百貨日麇集優

倡肆妖妍荒荒蠻嶂中聚若都市闐泥沙快揮霍變化
出汞鉛卅爐鑄橫財陶猗不足賢聞者饑涎垂擾擾蟻
集羶儼然師故智謂命豈在天叩囊出黃金一擲虛牝
填所願儻不償室家徒蕭然妻孥難存活伴侶空相憐
不如扶犁好猶得守薄田請看足穀翁饑飯飽卽眠

洱河漁船歌

東洱河西洱河百里淼淼漁船多我舸大扁長百尺小

花宜館詩鈔

卷三

四

船如刀掠波急赤文島畔揚帆過青沙濠前移棹入望
夫雲起吹怪風秋宵雨白漁燈紅風風雨雨不得臥但
祝魚身比人大東洱河西洱河全家性命拚蛟鼉蛟鼉
戢影怒濤殺尺寸喧爭水中界占來烟路岸偏長奪去
沙汀網難曬訟牘遷延吏索錢城中住久船先賣東洱
河西洱河漁翁偃僕頭毛皤笮簪不全網又破漁嬾漁
兒終日餓縣裏明朝比魚課再拜還留火頭坐

催課者曰火頭

蒼山神祠

昆侖蟠蜿山之宗走入滇國橫而縱左蹲右跨九九峯
歎飲雷電雲雨風昔者立國詔氏蒙五岳四瀆境內封

凌岱跨華實匹崧厥後巫覡欺盲聾明禋謂奉鬻方龍
或黷或僭神其恫

聖清秩祀典聿崇祠宇屹屹大屋靈荆焯簪日春秋中
以祈以報惠我農神之來兮霞旌從駕以星駟轅雙虹
下眡黔首哀艱凶斟酌元化陰陽通胚渾庶物獲告豐
先熟者稷後熟種羊腸彈花細織絨民無天札邊無烽
庶甦佹瘠扶疲癯郡守者誰拙且惰坐耗官廩筮復稷
奔走拜跪難爲工一發迂論衆口訐日愆月咎叢其躬
補救乏術心忡忡神不吾助吾益窮作歌歆神神聽聰

偶成

花宜館詩鈔

卷三

五

寒綠叢叢萋露微縛茅蒼麓愛烟霏低檐貧女敲鬢笠
婦女出必持蓋貧家則無不戴笠者大布溪翁蓋瘦衣民多患瘦蓋瘦衣見蘇句絃誦
有聲知美俗戈鋌韜影息危機承平作吏真天幸莫爲
懷鄉減帶圍

游感通寺

野徑一溪分秋來多白雲微風木葉下清磬夕陽聞廢
殿惟蟲語孤松有鶴羣蕭然接禪誦暫喜遠塵氛

小除日作

鼓吹騰喧報歲闌城中無雪只輕寒梅花未落桃花放
歲酒香中亂插看

客枕

沈沈山氣養烟霞
隱隱濤音雜
鼓笳蠻榼香
分蒲縹酒
酒以蒲縹
產者為佳
吟窗春斷上
關花
舊有下關風上關花
之謔今絕無奇卉矣
聲盡書初掩
客枕寒深雨
正斜
每為衰親成
遠夢苦
教芳草怨天涯

雜感五首

六慰三宣皆內屬
百年控制事如何
星羅列郡山谿險
地入窮荒虎豹多
莫謂徒薪井上客
正同茹藥慎微疴
籌邊樓外風雲壯
拊髀時時一浩歌

更有高黎共

山在騰越

一山直通驛國鎮
諸蠻勞歌休唱蘭

花宜館詩鈔

卷二

六

津曲貢道新開鐵壁關
百驛科條從悉索
三農耕岱要寬閒
似聞漢將西征日
萬騎龍驤去不還

一隅甌脫著流亡
卯育年年勢漸張
李嶠有言宜設禁
太邱無術遣還鄉
縣庭屢訟巴人芋
邊事防爭楚女桑
但在域中非世外
客籍占種侵擾邊
夷有世外人之稱
願迴日月照西荒

國計年年算水衡
果然平準最難平
上林頗缺三官鑄
下吏難辭萬里行
蠻驛橫鞭經爨焚
巴船出峽鬪蛟鯨
錙銖雖少非容易
莫作泥沙看太輕

犖确岡頭草不肥
中林猿鳥耐長饑
金銀氣盡青山老
瘴癘春深白屋稀
疫癘流行謂之災疾
居民率還居避之
地遠朝廷尤注

意禍生萌彙要知微何煩高論追三代但解苛燒計未
非

荷鋤

荷鋤日未出白雲大於馬入山欲從誰山中採苓者

大理田家詞

水椿橫掛柳陰中涼入蘆笙一曲風側側山田真似繡
甜蕎花白苦蕎紅

賓川地暖早聞雷五月腰鎌割稻回不似江南芒種後
插秧天氣作黃梅

支渠曲曲灌村田萬畝勻分一脈泉新立水平官斷直

花宜館詩鈔

卷三

十七

不須重到縣門前

山水支分各村資以灌溉曲防之訟
時時有焉水平者立于分水處或木
或石而凹其中若鑿齒然廣隘高庫皆有定
則水由是洩計畝均分所以平民之爭也

排成井字競分秧綠笠青蓑女伴忙日暮歸來溪雨響

踏波兩足白於霜

水田啣軋翻車聲山田無雨遲未耕爭道今年秧價賤

老農日日盼雷鳴

山田待雨而種
者曰雷鳴田

百日豆肥堆嫩綠八棱瓜熟煮深黃呼兒晚飯柴門下

紅米新炊帶露香

采得花絨軟更輕羊腸細細裏絃聲松明欲燼寒宵短

蠻錦青紅織未成

確舍臨溪急杵鳴勻圓粒粒勝吳秬微糧聞道供羸卒

貢米明當入縣城滇郡縣有徵兵米者大理所屬太和縣趙州亦然

門外飢豬豬欲肥田中逐鷄鷄亂飛背籠兒小但酣睡

割草日斜猶未歸

稻香風裏響連枷打鼓諫諫陌上譁閒殺老翁捫蝨坐

沙瓶濃煮感通茶穫稻時田中鳴鉦鼓唱歌若以相勞苦者感通茶出感通寺

貢象行

巨象垂牙鼻倒縮小象蹒跚重千斛歎沙捲石山谷動

居人呼洵避入屋蠻奴騎象如騎牛牽控不假鞅與韉

象房新築憎卑庠饋芻饋米懼象饑象饑猶可病奈何

花宜館詩鈔

卷三

大

縣官跼踏蠻奴訶蠻奴訶縣官起區區懷中金敢以辱

遠使奴言縣官可歸矣病象猶能行百里

野外偶作

歷歷春田鋤沈沈暮祠鼓不知何花開微香裊疎雨

雨中至趙州

雨多秋水綠平堤井字縱橫翠剡齊瘦馬能知長官意

行田不惜錦障泥

月街詞有引

月街郡志所稱觀音市也在點蒼山麓演武場

中以三月初十後集二十日散至期則遠賈雲

集百貨駢坐士女游觀且暮不休蓋一二百年

來率如是已

月街攔得步場寬三月清明暮不寒蒼蘆烟昏人未散

海東明月大於盤月街以十五六日為盛

蠻蜀青紅處處鋪不誇瑟瑟與珊瑚壽藤靈草如山積

抵得成都藥市無賣藥者最多

幾處官棚似築臺文武諸寮於市中詰好糾暴構棚居息謂之官棚平明旌旆

出城隈連朝市令無人犯箒抵遊春一度回

畫曉聲中負戴勞胡蘆市語太譁鬻老晴十日雲如火

贏得今年雪價高畫曉畫角也月街多賣雪者

花宜館詩鈔卷三 九
勝似龍街與虎街縱橫義鋪萬間排笠檐亂插花重

時有蠻娃來買釵

青帘三尺映坡陀乳扇以牛乳為之雞搜食品羅恰好鈞藤

新酒熟紅丁香裏醉人多紅丁香高二三尺花極嬌豔蓋別自一種特名同丁香耳

後山淙淙一條澗前山膺膺幾雙田呼兒急買烏犍去

好趁雷鳴欲雨天雷鳴田山田也月街市牛馬者最多

販來狔蒜亦艱辛市稅還勞吏箒緡但祝年年輸課足

長官邀客饑殘春月街既罷郡守例設酒食以宴賓僚

提督羅公思舉構屋蒼山之半置酒落成

將軍昔平寇大小數百戰秦隴晨連營棧閣夜傳箭長

牙躍快馬叱咤陣雲變一從妖祲掃場以

皇風扇旌幢來洱西軍實盡修繕開關賓南交貢象肅
緬甸時清戎政閒結屋遂歡讌山聲發猛蘆海氣曠秋
練蒼茫雲木間檣影逐輕燕非此高曠居安得衆妙現
清遊挾賓御高會逮僚掾把杯說生平結髮嗟少賤空
憶事戎馬壯歲去如電偶然脫百死而更受殊眷醉中
看刀瘢感激淚盈面西池控瀾潞萬里懸一綫倫文與
經武二者道何先我豈守土才專城享清宴憑高一舒
眺干耦春田田太平匪易致清景良可羨願傾一石尊
消此客懷倦

花宜館詩鈔

卷三

三

郡齋偶作

西緬南交北吐番東方一髮走中原世傳異姓諸村有
如畢姓矣姓
字姓之類山僭虛名五岳尊庭草無霜終歲綠蠻雲
如獸逐風奔從來此地邊籌重玉帳何人細討論

蕩山寺拜楊升庵先生像

拜杖端門劇愴神山中來認畫中身朝廷議禮多傷激
忠孝原心始見真巴蜀茫茫悲故國丹鉛草草老斯人
宦遊尙墮蠻天淚憔悴行吟況逐臣

寫韻樓

轉注會聞證古今寺樓猶見倚雲岑好奇終是才人病

送老真傷戍客心
回憶玉堂天上遠
最憐江草雨中深
欲歸無日詩無侶
我亦登臨感獨吟

江花與江草異國
看春生升庵句

八月六日洱海觀打魚飲浩然閣同謝駿生觀察

崧宮庶侯明府思晉作

洱河環環如彩虹
秋鏡一碧新磨銅
兩關雲氣浩來往
蒼峯浴影涵冲澗
村中漁兒三百戶
衣食盡在波濤中
鳴鉦開網值此日
作氣爭曳萬匠篋
大魚怒欲騰半空
可憐失勢不得雄
小魚戢戢聚相弔
驚魂已落湯火中
使君行政重止殺
物縱微細哀其窮
鳴葦動桂亦何取
爲樂肯以倉饗終
千頭萬頭撇波去
軍法禽縱將毋同

花宜館詩鈔

卷三

三

是時秋煖日正中
朱旗不颭龍鱗風
蠻歌四起簫鼓競
千檣厯亂如秋蓬
須臾人影散鷗鷺
銜巖高閣開簾櫳
平生戶小恥拒潑
醉後放眼江山空
段首蒙詔豈足動
慨歎但見水雲萬頃青濛濛

打鼓念經歌

麗江西北通烏斯藏喇嘛經各擊一鼓柄長七八尺俗稱打鼓念經

大鼓長柄擊以藤
庭列鼓百鼓一僧
梵聲未止鼓聲起
雜以衆樂亂難理
何者貴重兼金誇
人頭作幾脛作笳
合兩體爲一發截
臙朋骨爲笳價直
白金數十兩
織罽被體非袈裟
垂首閉目復結跏
喃喃六時番藏滿
羶酥供養瘦瓢暖

經少間以木瓢酌牛

乳飲之

陪駸生觀察遊三塔寺

出郭見高塔披榛問戒壇春禽爭喚客野衲不知官巖
穴思雲臥蒲團悟水觀爐香山葉細旛影石泉寒拂几
空枰在迴旌夕磬殘未拋簪組累珍重暫時歡

花宜館詩鈔卷之三終

花宜館詩鈔

卷三

三

花宜館詩鈔卷之四

錢塘吳振棫宜甫

古今體詩六十一首

起丙戌春
盡丁亥春

劉貞女詩

有引

松江劉全姑字徐驤雲驤雲死匿不以告而全姑已知之時母死父老病一妹尚幼全姑養老鞠稚身兼其勞洎父疾篤告以殤死當別字父歿全姑淒然曰曩所以不卽死者徒以老父在耳今若此其奉我母於地下乎遂自縊死

客言有貞女氏劉居松江徐生昔納采載書歷遐邦一

花宜館詩鈔

卷四

一

旦珠樹折鸞鳥不得雙父懼傷女心父匿不以告女心測其故女面以淚沐是時女可死女曰死何速女當衰親奉女當孤穉鞠竭餼供一餐十指血出漉父病出治命父意欲活之青青者女蘿曷不施兔絲是時女可生女曰死已遲反袂訣阿妹地下阿母隨蒼天何高高日月何晶晶彼女何婢婢貫之以精誠貞風發感喟幽光動崢嶸全軀歎薄俗全姑全其名

王禮堂夢穴圖

立官不立墓大夫葬陵葬澤義已蕪石柳啓嬰古有諸佳城待沈云非誣或者前定數適符不許土物生覬覦

後來相地工獻諛富貴可俟如合繡枕中寶祕赤霄書
唵喃夢囈欺騃愚伊川涑水宋兩儒大聲疾呼詞非迂
起視薄俗生嗟吁忍借白骨謀妻孥王君潔養甘飢劬
生事死事兩不殊徵夢得穴山脈紆卜之曰吉神所輸
悠悠真宅魂魄居觸樹無鹿巢有烏繫我何怙身已孤
筮宅安得五患除出門旦晚心踟躕山南山北愁雲鋪

過秋農二叔父綠滿草堂

舊屋被焚
移居於此

眼前庭榭卽滄桑病樹支離戀夕陽蜀道山川勞入夢

叔父遊
蜀甚久

韋家花木罷稱觴

先府君引疾歸里與諸叔父
時時以酒食相會爲樂自先

府君歿此
舉遂廢

異書借讀癡猶在佳果分甘味最長苦說迴

花宜館詩鈔

卷四

二

年無十訣蘆簾深護藥爐香

客刺經旬不到門病中敲枕妥吟魂卻從鶴髮衰殘日

還憶牛衣涕淚痕屈指生平無長物關心昏嫁到諸孫

買田坡老成虛願空把農書細討論

題凌芥山

飛

春風啜茗圖卽送之新安

柳絲鬢影各青蒼毫蓋花瓷細料量萬卷胸中滌腥腐
雙瓶簾底試宮商客行南浦波初綠路入黃山茗正香
吟到石泉槐火句湖頭清夢定難忘

周南卿

三變

移居圖次自題韻二首

牛腰書卷載叢殘風雪移家氣味寒一劍摩挲結客早

百年貧賤閉門難老來直欲車輪毀病裏先謀藥鼎安
何必買山方是隱隔城山許上樓看

冷巷聊堪遠市塵頭銜已署白雲人
葵菘急就春畦窄雞犬還依故主貧
慙寄此身原逆旅不嫌高價爲詩鄰
稚川畫裏風流在未學神仙趣亦真

與鴻治談詩有作

南州高士脫塵羈通介羞隨世態移
秋客性情蛩獨語故山消息鶴長饑
造門獨肯從元禮操縵何須靳孝尼
淨洗人間箏笛耳牙鍾方信賞音奇

送王幼泉

景洵

還菱湖

花宜館詩鈔

卷四

三

餘不溪上路春水碧迢迢卻繞盤螺殿
斜通繫馬橋連村評葉價

吳興人家呼桑直曰葉如洛中呼牡丹直曰花也

快槩販魚苗知爾

還家日溪翁定見招

簡屠修伯

秉

蟲鳴以候鳥以時人人引吭鳴其詩聽真或亦雅鄭亂
無病奚用呻吟爲千英萬萼春豔姿不若松柏千尺枝
瓦雞陶犬豈適用况乃鼓楫麒麟皮屠郎筆力毅強弩
老輩折節不敢侮錦織仙機百丈霞墨灑春林五色雨
詩氣咄咄逼阿翁

琴塢前輩

以詩娛翁翁不窮翁昔當官不

避事報國何時竟翁志神駒自有余吾種寶劍須求墨

陽利君不見房杜功名師大儒
賈董文章祖經義清廟明堂待異才
明金粹羽原餘技

理安寺和壁間許玉年孝廉

乃穀韻

森然萬青壑徑斷出松關
孤磬有時發白雲吹滿山
苔痕引杖遠鳥態隔花閒
欲識枯禪意芒屨獨往還

松巔閣

入寺不見山忽已踞山頂
窗窗俯烟壑盪以萬松影
迴峰曙光障鐘動鳥未醒
泉紆韻幽絃雲香養新茗
偃竹開午陰白日上階冷
余性耽巖棲矧此衆妙并
俗骨佛豈憎彼法自平等

花宜館詩鈔

卷四

四

初夏湖上

樹色籠湖尾閒閒有幾家
泥痕逆荷葉風影亂楊花
盞飯鄰僧乞村船稚子搥石瓢
能款客新擷本山茶

紫薇花下作

紫羅碎剪分千纈拋入園林
豔妝飾不教移種到湖堧
恐被芙蓉妒顏色團扇風前
吹細香一春無此蜂聲狂
低枝礙檐花不著
旣然照射皆花光涼雨一洗紅滿堂

紫薇一名滿堂紅

愧我相對非省郎
深杯豔豔浸花影一笑吸

盡流霞觴

戲題高小雲種紙圖

高生下筆輒滿幅千紙萬紙意不足春風一色展新牋
笑指芭蕉碧於玉棐几斜鋪露氣新墨池倒映烟痕綠
此時渴殺秋兔豪筆法欲奪鄔兵曹天台丈人竊旁睨
十指氣出騰虬蛟據案颯颯走風雨絕似敗葉鳴涼宵
吁嗟乎龍陽之甘千匹絹涓川之竹千戶侯不然種秫
五十畝釀酒亦可消煩憂厄茜薑韭皆不顧乃以種紙
爲奇謀研田惡歲勞不酬老矣禿盡中書頭高生高生
其誰尤

汪小米 遠孫 松聲池館勸書圖

君家屋外松身粗水窗面面涵清虛藏書四世過百載

花宜館詩鈔 卷四

積軸豈止三十車英華含咀樂有餘乞爾養貞衆所迂

頗聞篤嗜在經典短檠照影忘饑飢 時輯經典釋文補 陸家三

秩細參檢硯痕燦燦朱墨俱土音敢笑古人誤 毛居正謂陸氏

多士音 別讀詎謂諸家無掇殘補缺意良苦考證彷彿姚

江盧 抱經先生 近時文人不好學枵然朽腹如瓠壺羽鹽神

石昧反語音和類隔皆模糊席下爲帶析旁片顛倒惡

札紛鴉塗馬鄭孔賈不復見異文異訓誰爬梳科名入

手姓氏重石渠天祿誇通儒鏤冰畫脂但文藻撮囊視

肉尤駭愚耀金帶白被紫朱杖杖伏獵相擲掄翻持經

義出相士曲針腐芥將何如吁嗟乎通經致用安可誣

卷圖還君心踟躕

修伯用賈島攜新文詣張韓途中成詩韻見贈卽

用元韻奉答

屠生習詞翰二十骨已老心與世緣空語避曩賢道譬
諸走得獸引繳欲陷腦顧我辱相知彈毫送幽抱緬維
古不朽自處非草草豪傑今爲誰他時一推倒

偶興

薇花紅褪小園香苔葉青堆曲檻荒江上魚龍潮正壯
枕邊蟋蟀雨初涼看多世事忘曠怪坐久詩心入莽蒼
一室靜便聊自喜豈嫌長住涸陰鄉

花宜館詩鈔

卷四

六

重九後一日南卿招同胡書農

敬

屠琴陽

倬

兩前

輩黃薊泉

士珣

茂才飲包氏息園分韻得人字

次日有蒼溪之行舟中賦寄

移居近我新投縞把袂如君快飲醇佳節怱怱成逝景
故鄉落落數閒身伸眉且縱銜卮樂開口難逢插菊人
酒史食經蒐討細只嫌不稱庾郎貧

十笏虛堂清似水羣公佳話妙如神題襟便訂雞壇雅

祭酒偏虛鶴髮人

是日張仲雅先生不至

鳴雁江湖秋夢短扁舟

葭亂曉霜新知君火急詩逋督爲掬清茗滌硯塵

菱湖

菱葉菱絲露未收
輕船只許放中流
遙看蜺子灘前月
雪鷺斜飛幾點秋

苔山

苔山撲地臥蒼烟
破寺南朝不記年
一夜面山樓下雨
秋聲吹滿十三泉

洋里

漁村殘柳淡斜曛
葑里依稀記舊聞
溪水不波秋更碧
荻花飛上侍郎墳

勿庵少宗伯墓道在焉

小輞川

曲曲蘭干小小樓
舞衣歌板說風流
人間幾度秋風換

花宜館詩鈔

卷四

七

蛺蝶飛來未解愁

雲怡道院

金盞山前日落時
枇杷泉上獨吟詩
碧鸞一去無消息

空向仙人乞丙芝

院內設此壇

姚春木來杭州因爲此歌

歸雲堂中一叢竹
我昔攜簞眠新綠
近來枝幹盡憔悴
但有雲歸檐際宿
雲歸主人長不歸
十年飄泊知何依
殘燈讀書意不樂
世上療愁無上藥
血繡花從劍上看
白頭夢向鷗邊落
家無寸土何處耕
性命安能長鏡託
前年鶴拓城誦君
二哀詞麻衣皚皚涕漣漣
一百十日

慘魂魄山行豺獮江蛟螭故廬相去五百里望而不見
空愁思打門忽逢君鳴雁聲正苦頭毛蒼然雜塵土君
長於余年十五白水明明照肝腑往事同歌行路難窮
途未免荒僮侮千秋姓氏恥沈淪日月西奔奈何許西
湖水落霜鏡平於此可以恬心情太守張兄允能飯客
載酒呼君盪湖碧勸君一飲須一石世短心長亦何益

琴鳴潛園吟社圖

聖明特詔除官日憂患餘生謝病時十社琴尊追老輩
六橋絃管被新詩忘年我已傾郎舍令嗣秉亦工詩倒載人爭
向習池魏闕江湖心一寸行藏惟有鷓鴣知

花宜館詩鈔

卷四

八

春木病起以詩見示依韻奉畬

幾疑客死似東坡華髮尊前恨轍珂未業漁樵生計誤
偶傾肝膽罪言多扶攜健僕藤三尺蹉局枯窗繭一窩
迴憶佘山無限樹歲寒相待綠婆娑

修伯觚庵讀書圖

青燈涕淚讀史白髮窮愁著書不識字人快活梅公語
妙何如

意與古人合否書定前生讀無半日靜坐何事料理花

觚酒觚

弔宋通問副使朱公弁墓

龍髯馬角語酸辛
九死冰天義不臣
抱印此心蘇屬國
題碑遺命宋行人
薄酬苦節還遭忌
遠護眞容定有神
和議已成金幣盡
生還添得淚痕新

臨平道中

擊汰上河路
挈音靜不譁
山光抱桐扣
人語出蘆花
漁火一村遠
蟹簾秋港斜
明朝卸帆處
遙指海東霞

遊海昌陳氏安瀾園五首

故相風流替平泉
尚有莊近依城一角亂
插樹千行徑轉紅
亭出山橫翠陽藏
盛時會眼見鄰叟
話斜陽

紫軟南巡日
旂旛肅扈從
如排

花宜館詩鈔

卷四

九

御前仗猶有舊時松
嵐翠亭前活筠香
袖底濃到門看

寶墨兩字辟蛟龍

園門懸安瀾園賜匾

過客重陽後
登樓海氣晴
亂雲拖石色
高樹倚潮聲
巖路紆迴入
蘋波斷續生
迂倪與顛米
慘淡爲經營

水淨芙蓉豔
天陰薜荔肥
榻疑塵寂寂
壁圻粉微微
井塌蛩初語
糧空鶴不歸
春秋追勝賞
遊屐近今稀

朝中秋重陽開園放遊人三日

煮茶留過客
蕭灑相公孫

是日見陳君雲藩

受月吟窗大披烟

釣石温琴聲
枕秋澗松影
護閒門羨爾專
邱壑何時共

一尊

聽篁圖爲沈編修鏤題

一莖一葉皆有情不風不雨皆有聲蕭蕭寥寥亦何意
世上萬響無其清江南何時買竹屋屋只三分七分竹
茶聲沸處竹聲來日腳垂簾睡方足橫膝不須張素琴
吾廬自有太古音美人雲端戛玉佩望而不見瀟湘深
但當無事一長嘯飛下碧鸞空際吟聞君欲向京師去
北土高寒竹難過箏琶滿耳殊惱人開卷空看捲蒼霧
沈聽篁曾經滄海圖

麒麟風息蜃雲開靜把洋更細數來九十九峰飛過眼
不知何處是蓬萊

花宜館詩鈔卷四

十洲迴首渺愁余青鳥猶來問起居眼底西湖杯樣小
賦才孤負木元虛

南卿出示柳如是所藏唐鏡

鏡背銘日照日菱花出臨池滿月生官看

巾帽整妾照點粧成

漫爲蘼蕪惜歲華

蘼蕪柳小字

點妝重向阿誰家模糊照盡

春顏色道是楊花又柳花

徐佛盛洋鎮之名伎徐嫁而婢楊愛以色藝名名乃出徐

上後變姓名爲柳是

狎客南朝鬢已絲五湖一舸去偏遲畫樓惆悵開窗處
巾帽翻新又一時

汪少海明府仲洋出棧圖

十六年前出棧來

予於辛未年出棧

青天獨客聽猿哀當時風

雨如聯騎千里江山共舉杯宦興冷於湖舫月鄉愁濃

到草堂梅儻吟卷裏鏗旬句舊夢驚回萬壑雷

鄰巷陳叟種菊已三世矣花時往觀爲作一首

栽菊得良法花頭爾許佳一庭秋氣味三世好生涯

字懷先輩

案上詩二冊多里中耆舊看菊之作

街南爲僧寺

衝泥

看不厭漫惜筍皮鞵

換色芙蓉

朝看淺碧含烟嫩暮見深紅著雨妍不鍊神丹能換骨

十分狡獪是花仙

花宜館詩鈔

卷四

七

鯉魚風起不得住衰草玲塢覆曲欄一樹團成秋似錦

怕教檐雀說荒寒

酬琴鳴病中見示之作

早歲詩輕萬戶侯今從林下見真休一微塵裏銷千劫

尺幅圖中隘九州

君善畫

天上夔龍虛汲引燈前魍魅狎

窮愁道南推宅風流渺空對鶯花話舊遊

道光初元大臣保薦

特擢袁州守而君已卧疾不出舊有潛園吟社圖今園已鬻他姓

漫從九籥問仙籟小極翻教眾慮輕老矣眼中誰健者

赫然身後亦虛名苦心入道甘憂患故侶留詩半死生

此日迎冬酒初熟澆愁須盡一經程

十月十五日書農琴隴兩前輩劄庵南卿茂才集

小羅浮山館次南卿韻

添酒與君歌擊槃坐中吟骨瘦纒纒人生偶作閒雲聚
天氣纔過小雪寒新稿傳觀如洗玉舊墟深戀暫投冠
陶然此意誰能識豪貴方誇畫轂丹

雪中送虹野北遊

人生如月輪忽忽圓復缺雞鳴送行人風吹一帆雪負
才壯未試謀食貧益拙幾日渡黃河愁似河冰結

湖上寺

寺後山千笏寺前波一匳禽聲大歡喜雲氣妙莊嚴別

花宜館詩鈔

卷四

七

蘚客題壁看花僧捲簾淹留遣永晝續續戒香添

汪少海招同錢次軒丈

杖

書農琴隴春木泛舟至

孤山看梅

春聲出樹鳥喉活軟波搖風綠無骨畫船人在鏡中行
況有梅花滿雲窟沿山密葉椒眼排拂水新梢琴甲凸
直上巢居閣上看一片花光似銀闕此時四座飲興高
浙甕斟雲漲瀛渤主人罷官鬚鬢蒼西望蜀道青天長
好花滿眼杯在手莫更題詩寄草堂

第三歲日吳兼山

嶼

判官過訪

清才大抵厭風塵荒廡開盤又莫辛嬾謁熱官尋冷客

怕經新歲感陳人臣饑欲死東方朔兒視能詩賀季真
贏得頭銜誇令僕年年管領六橋春

山茶

蜀茶看後看滇茶幾度狂遊紀歲華今日草堂春寂寞
破盆殘雪不開花

蜀江歌贈少海卽送之甘州

西川節度開幕府幕客重文不重武聞君長揖氣甚豪
拓戟高歌筆如虎太白東坡骨俱朽蜀中山川落誰手
我時思君不得見欲騎日月向西走蜀江東下何迢迢
入海併作錢塘潮君來作令吟更豪吟聲卻鬥潮聲高

花宜館詩鈔

卷四

三

人生仕宦不稱意楚弓得失真兒戲

少海時以事去官

誰家砥

鼎有神丹雞犬升天太容易篋中蜀錦三尺強笑喚孺
人裁作囊不盛青銅錢惟有佳篇章篇章亦如蜀江水
洗濯錦段生光芒世間武庫皆凡鐵破硯爲爐鑄心血
爭看龍文寶鼎成偏憐虎氣干將折白馬黃金銜去去
不得歇途窮豈敢怨行路去看淒涼隴頭月明月照甘

涼河流一綫黃神仙釀作崑崙觴秋霜夜拂崑崙頂王
母梳頭雪垂領十二樓邊銅柱傾冷落瑤房見星影我
欲攜君飲於此一醉千日不復醒吁嗟乎落日西風關
隴塵蜀江不見峽花春青天萬里阻歸夢夜夜子規啼

向人

周禮伯 天秩 堂北讀書圖

文安遊學日陬里擇鄰時襦袴韓康伯韋弦杜泰姬飛騰年少易報禽此生遲霜露悲何限孤檠爾定知

秋江采魚圖

黃棠字思蔭薊泉明經仲父爲詩師丁龍泓善畫家藏秋江采魚圖繼而失之後乃在吳君次歐所薈泉以雍乾間名公詩札三十六幅易歸屬題此詩

十五五蚱蜢舟長又巨網江中流寫上三尺好東絹

花宜館詩鈔

卷四

十四

晴窗風捲菰蒲秋青山頗似富春渚或者龐老魚梁洲是誰落筆深畫理龍泓山人詩弟子畫成去隨赤鯁公畫亦變化神靈通遂令門前一江水漁榔空逐潮聲東幾年尺幅求始得歸我鄆謹拜大德旁人拍手笑癡頑此豈饑寒可衣食展卷摩挲三太息微意兒孫當省識君不見老漁一醉無他愛世守青蓑貧不賣

小艇

小艇載漁具村村路不迷蘆花滿篷背昨夜宿西溪

春日與秋牧六叔父嘯雲弟至湖上有作

風捲柳花飛滿湖半烟半雨最模糊
悤悤村社有新燕

泛泛小舟如野鳥吟筆入春多麗思故鄉終老是良圖
只愁又被饑驅去且爲啼鶯盡玉壺

將入都書農薊泉琴塢小米南卿餞於汪氏松聲

池館

蘇公欲買陽羨田投老無亭題楚頌我亦江鄉半畝無
食料年年筭齋糞未容林壑竟充隱冀活妻孥惟請俸
獨憐冷骨不嫉媚只餘癡腹殊空洞身非珍鳳致千仞
心媿神龜藏六用年來開徑得三益頑鈍時時仗磨礪
賦成王筠頗能讀酒熟公榮呼與共殷勤惜別更祖道
餘杯婪尾春同送余以三月二十七日行但道風塵多苦辛不將

花宜館詩鈔

卷四

五

猿鶴供嘲諷得歸爭肯負湖山黃髮相期各珍重

別莊芝階

仲方

張仲甫

應昌

良士匪易致矧乃鄉縣同獲從諸子遊青蒿倚長松有
如韓與孟矢願雲與龍結束今安之錦帶拂春風酒徒
昨招我花落燕昭宮飛蓬一以振安能識西東參辰不
相比搏沙歎無窮仰慚鍾牙契俯媿求羊蹤會合固有
期恐已成衰翁

秋圃四叔父宅雜花盛開口占二絕句

一官曾落萬山中瘴藥愁看刺眼紅

叔父嘗官滇南

老臥柴門

花影裏興來不放酒杯空

雨餘短巷展痕新，侵曉來看不厭頻。
許折繁枝歸獻母，一家春作兩家春。

荅丹徒楊子堅秀才 鑄

江上蕭條屋數椽，金焦風雨蒜山烟。
論才肯落子安後，成佛定看靈運先。
野馬撲緣經眼散，春鶯鼓吹入詩圓。
殷勤爲訪西泠勝，花柳因君一倍妍。

昔元人朱世字希賢，有鯨背吟紀所歷海洋山島。
與所聞見徐伯齡蟬精雋載之，近吾杭汪翼滄
賈於海外著日本碎語一卷，備述彼國山川風
俗物產，頗詳悉，亦名袖海編。

花宜館詩鈔

卷四

十六

客自長崎輿畔來，袖中東海一編開。
見聞亦似吾妻鏡，史館他年好取材。

杭郡署土地神相傳爲蘇文忠公集公詩語爲靈籤。
公天人也，詩多禪悟喜丹術降心言之，亦非仙卽佛耳。
奈何以此瀆公乎？京師翰林院署以韓文公爲土地，其不經正相類，因賦二十字。

生前遭遠斥，死後辱卑棲。
如何磨蝎恨，生死似昌黎。

荅吳江陳訥庵秀才

聞道陳無已，苦吟常閉門。
西泠偶乘興，雲水澹忘言。
睡起盡殘酒，春深懷故園。
垂虹亭外路，花絮亂黃昏。

湯雨生副戎

貽汾

招飲琴隱軒卽席賦贈

清談馬槩稱華簪更向陰何苦用心芳樹初花春命酒
疏簾得月夜調琴一生愛客情無限先世傳詩教本深
史乘好徵忠節事江湖爭唱斷釵吟

君大父大奎官鳳山令殉林爽文之難父苟業亦從死焉母夫人幼工詩既廢斷棄筆墨暮年感事爲斷釵一章君出示賓客詠其事者凡百餘家

花宜館詩鈔

卷四

十七

花宜館詩鈔卷四終

花宜館詩鈔卷之五

錢塘吳振棫宜甫

古今體詩七十三首

起丁亥春暮
盡己丑冬

常州懷劉禮部

逢祿

進棹西蠡河
晻靄林塘春之子未得歸
栖栖京洛塵高齋著書暇
思滿汀洲蘋

京口

西望西津晚欲晴
戴公山下聽殘鶯
雞鳴日出峭帆去
坐看金焦雙眼明

渡江作歌示程容伯

恭壽比部

花宜館詩鈔

卷五

一

君不見海門狂颿帆檣送屬國
強酋資遠控北府雄兵古所聞
可是城堅如鐵甕又不見揚州
大郡今甚貧名圍強半委荆榛
癡兒騷女不解事踏歌依舊嬉
青春江流滾滾向東去千古興
亡事無數江南江北花亂飛正
是行人愁絕處銷愁之物惟酒杯
君不解飲顏難開不如蒙頭企
腳竟高臥華胥境界聊徘徊世
間萬事何有哉拍肩挹袖狎仙
侶萬花照海無纖埃

滕縣

微子山前湖水新
小舟箬簪往來頻
南風四月過滕縣

只有楊花白似銀

滕縣花開白似銀李長蘅句漁洋山人嘗稱之

馮驩詠

田文客旣散獨有馮驩留約車西入秦再相賴良謀吁
嗟乎幸舍彈劍昔苦辛主恩不異三千人

嶧山

莫問秦碑北魏餘羨門高誓事何如登山方見羊車盛
又見車中載鮑魚

東平道中

蠶尾山光在天際尙書老眼向山青欲知縹緲詩中境
落日微風小洞庭

東阿陳思王墓

花宜館詩鈔

卷五

二

不聞魚山梵但見魚山青一唱豆萁詠千秋猶涕零荒
塋閉蒼蘚古木掛寒星八斗誇詞賦空教感洛靈

聞琵琶偶成

古人傳一技高手亦崢嶸後世誰知者嘈嘈皆此聲纏
頭紅錦豔流笑玉觴傾寄語囊琴客無傷寂寞情

河間道中

難燈膏吾車夜行不計里微聞村樹間膈膊雜聲起晨
光露熹微云近毛精墨緬維古賢王被服瞻芳軌客館
二十餘從遊多儒士朝廷頗猜嫌縱酒畢生理至今風
沙中平田雜荆杞何處詩經村殘磚誌君子

至京師與王講泉

涼

蘭卿

內

果山

湖

海珊

景瀛

小

飲

宣武坊南路重逢閱歲年生衣花下酒深巷雨中蟬京
國交遊盛君家兄弟賢侯鯖吾未羨情話足留連

十刹海

積水通城野芰香門前高樹得微涼人隨斷磬尋僧寺
鴉帶斜暉入苑牆獨客每邀花作伴清時羞倚酒爲狂
昨來百尺樓頭坐多少青山接太行

黃垂垂

開囿育麟乃孽封狼彎弧彈臬恐驚鳳凰高車丹轂不
花宜館詩鈔
卷五
三
避驄馬正晝攫金醉獵城下道路避面行不敢問姓名
行人但說好威儀腰下大帶黃垂垂

七月十五至濟南作

華山雒山相向青七十二泉秋泠泠清光已滿海東月
遠色忽開湖上亭今我來思莽懷古昔賢老去重傳經
邠人未遣風流沫魯頌齊韶取次聽

弔鐵忠定公

城頭牌拒賊攻賊去不攻扼山東城下板擊賊死賊幸
不死作天子發難誰嗟豎儒命將誰嗟庸奴當時公儻
握兵柄倚之角之平與盛高皇威靈在八極伐叛何憂

北兵勁燕來燕來啄皇孫大事去矣金川門中朝名士
太草草偷生忍恥承新恩噫吁嘻鼎中油沸氣何厲死
臣乃不畏生帝

同王翰屏太守遊千佛山

千仞極天淨岱陰青莽蒼嶺霞連海色城樹罨湖光石
經苔花小泉分茗葉香登高聊寄興未用待重陽

王文貞公墓

尙書踐台斗方雅有操行綺歲噪詩名賢豪徧投贈主
盟五十年著籍炫觀聽靡然胥從遊標榜名太盛後人
多謗傷門戶滋朋競或云無病呻才薄力未勁或云清
瘦生愛好乃其病大哉我

花宜館詩鈔

卷五

四

純皇追謚褒雅正權衡得其平一語定於

聖我來格孫城阡隧冷雲凝似聞糸南村帶經衰子姓
石帆無故亭書庫已荒徑大雅嗣音希壇坫孰司柄下
馬讀穹碑風流千載映

長山道中

東望青無際山光如此長雁羣爭遠勢馬力健新涼菜

圃秋除蝗仄村翁曉賣漿昔人憂樂意何處問書堂山

有范文正
公讀書堂

中秋招遠道中感懷先兄曼雲先兄嘗爲
招遠令

弭棹姑孰溪清宵對牀語當時牛渚月正似彭城雨子

春省視先兄於當塗縣齋俯仰十年餘垂膺涕如縷視壽人不如遺

墨空千古先兄所著詩詞為視壽堂集今來山中村留犢會茲土父

老識姓名美政尙能舉誰尋峴首碑已斷桓山羽淒淒

復淒淒清輝月三五

登州

北接遼關路南通閩粵天魚鹽開島市雞犬臥樓船戰艦

泊水城外歲時修造循舊制而已疆域大無外邦人今有年猶聞防海

日處處夕烽傳

莫詫元虛賦傳聞未盡訛乘潮秋蟹獮出網異魚多買

花宜館詩鈔

卷五

五

船過如豆神山浸似螺誰能哀老子遊眺日婆娑

登州郡齋

風色人家縱羽偏鱗鱗瓦屋罨炊烟城中多瓦屋喜樹相風竿公庭

頗喜鞭笞少瘠郡尤蒙盜賊憐山東多劇盜登濱海而瘠少劫掠之患故用元

道州語意近海汲泉茶味損退衙散策蘇紋圓閒中漫說無

經濟灌圃能長草木年

蓬萊閣

碧海迴瀾島嶼重巍然高閣倚城東巨鼇曉曝三山日

獨鶴秋乘萬里風豈有神仙憑采藥我於天地亦飛蓬

秦皇漢武知何處坐看浮雲沒太空

今年

今年爭說雨暘調，犴蒜家家物產饒。山意乍寒旋有雪，海聲終夜不關潮。揚波久息蛟鼉怒，利運休嫌嶼嶼遙。時有明年再行海，運之說既而不果。堆案百重粗了卻，試沽南酒泛金觴。俗呼越酒爲南酒，海舶攜來亦有佳者。

蘇文忠公祠 在蓬萊閣後

東坡困謫宦再起，蓋自茲先帝歎奇才。實受宣仁知玉堂，紫微間兩宮渥恩私。事去復淪落瓊儋，最孤羈進退。繫袞盛一身焉足悲，今來謁公像高閣滄瀛湄。五日遽命駕，遺民猶慕思。杭湖若徐頰，何況久設施。忠義貫日月，文章沁肝脾。富貴自不朽，春夢休見嗤。可憐章蔡輩，鉤黨恣姦欺。似恐名不彰，已榜更刊碑。

至登州七十有三日調官沂州作

當官如讀書，要欲窮端委。倉猝廢所業，何能析精理。古來重循良，仕宦久鄉里。慮事洞觀火，布令下流水。人情久相習，親愛若父子。我來七十日，受替將去此。問我官中事，盲者以箠揣。人生霜後蓬，飄轉靡有止。飽看三神山，於意亦足喜。不見眉山翁，登州五日耳。

海市蓋氣之所爲，四五月以往海氣蒸鬱則多有之。余九月至登，十一月去，座客有以未見爲憾。

花宜館詩鈔

卷五

六

者上慚蘇公不敢禱也姑爲是詩以解客之惑
海市之奇世無有僻郡欣然來作守要須放眼恣奇觀
何事寶山歎空手朔風吹盡東海塵碧環碾出光清新
龍蜃瑟縮避旗仗不敢吐氣來驚人何曾變滅出霜曉
但許彷彿聞居民君不見白日慘澹懸樽桑海底陰火
寒無光嵐蒸霧鬱快一掃大地之氣歸於藏神曰正直
曷可禱豈以遊戲愆陰陽若云此時見此更奇絕何異
臘月聞雷三月雪

食海魚作詩寄春木松江

異魚百丈高如邱雖有網罟不敢求漁師所獻僅瑣細

花宜館詩鈔

卷五

七

厥狀亦匪常鱗侷市頭壓擔鯉風逼魚字魚名都不識
巨目光搖陰燄紅獷質涎蒸鹵氣黑一蓋團團覆如釜
八帶蠕蠕亂似織嬌兒放箸苦欲歐老婦攢眉不能食
可憐饑守取一飽卻恨村醪薄無力憶昔買酒湖上遊
魚肥酒冽香滿喉落在亂打青羔裏手招明月來船頭
我辭西湖入東海君亦歸臥松江秋江波繞門秋更綠
弟兄對酌鱸羹熟時建木亦在家秋風儻許季鷹歸分我漁磯
一竿竹

萊石花鳥屏風歌

萊州屏風刻石成買置寒廳高五尺客來乍見雙眼驚

彩霧雕雲生素壁上有雜樹交繁英跼萼凹凸花不平
其下渚蒲敬雪羽爭啄鳧此翠芽吐蒲萄交幹亂纏蔓
梧桐布葉細垂乳畫工畫物惟取神以石作畫能逼真
不著死氣取生態盡意刻畫林塘春餉遺豪貴走千里
重之不啻玕琪珣一朝失意誤擊觸殘屑霏霏如鋸木
斧斤已喪渾沌真藻績徒悅兒童目頑姿自合山中老
被寵邀憐轉非福良玉九德何瓌奇入火三日堅不移
有時投泥雜瓦礫山川精氣虹貫之方知萬物貴本質
文采照耀空爾爲

自登移沂

花宜館詩鈔

卷五

地望東西絕

俗稱登萊青爲東府
兗沂曹爲西府

光陰冷暖催莫嫌千里

適卻值一陽回

至沂在十一月

木落人烟遠雲高海色開喜聞

鄉路近日夕板輿來

沂于山東爲極南方奉
迎程太恭人尙未至

初至沂州

慚吾非老手劇郡豈所便量移拜

玉詔裏糧敢遷延高城直大野風物亦清妍如何剽悍
俗習慣若性然牛犢紛佩帶赤丸驚市鄺牽鹽奪官引
盜鑄布姦錢蒼鷹與乳虎毛摯豈足賢水懦古所戒安
能恥蒲鞭何時晉盜奔庶幾武城弦獄市慎勿擾我憂

心悵悵

少年子

短刀掣冷芒長刀閃腥風殺人都市間劫客平陵東咄
嗟少年子意態殊英雄一朝捉入官敲扑肌骨空叩頭
句緩死王章固難容爾悔亦既晚我憂無終窮罔民古
所責何以謝愚蒙

麥賤

春前憂雪少春後憂雨遲雪少麥根淺雨遲麥苗萎今
年麥大熟雨雪無愆期豈曰耒耜力天心憫窮黎腰鎌
弗敢後露積多如茨重羅白勝雪連展甘若飴貧家得
飽啖婦子聚而嬉鄰翁起太息太息前致詞年運有往

花宜館詩鈔

卷五

九

復豐歉有轉移官倉鮮實貯貯者或成灰旱潦一不登
賑贖無所施世無盧與扁有疾當自治吾儕謀蓋藏蠹
盜皆可資務禁豐歲奢稍療凶年饑不見三年前食盡
槐榆皮

蒙陰

三月欲盡語鶉鴉竹外小桃紅似血山城雨歇焙新芽
漫與青神門奇絕一甌日落坐春風突兀仰見東蒙峯
何時自効解官去卻佩含景蒼精龍

公家城懷公文介

策馬平沙迴啼鴉暮樹昏千峯皆對戶一姓自成村介

節中人忌微吟大雅論平生笑摹擬未屑傍人門

泰安道中見進香者口占三首

乍看日觀曉光催卻過天門嶺勢開簫鼓龍亭雲五色

萬人爭看御香來

京師筆帖式送香供至省復檄委丞倅齋送上山

村嫗村翁禱祝私錢輸黎棗作檀施道人不管人間事

但盼官來埽殿時

嶽廟正殿皆肩以鐵爲柵進香者以金錢投殿內香事既畢羽流開殿檢

括給一歲之用地方守令監視稽核歲以爲常謂之掃殿

入山出山山徑斜千輪軋軋羊頭車洗山雨過見春色

開廟之前得雨名曰洗山雨

鬧殺村姑壓鬢花

送陳蓮史同年

繼昌

歸桂林

蓮史爲文恭公後

花宜館詩鈔

卷五

十

北風吹客裳片席下湖湘嶺路侵殘臘猿聲近故鄉經

營先宰樹情話戀茅堂相國遺書在毋忘炳燭光

扁鵲墓

苦語莊言不見收古今豈獨一桓侯後人解博朝廷寵

靈藥爭從海上求

垣一方人視見之名聞天下數偏奇自憐療妒無方法

不向長安怨李醢

釣突泉

老龍衙衙地下起左右依以兩龍子道人制龍龍怒驚

霹靂倒飛成吼聲作勢騰空失勢落敗鱗碎擲秋烟輕

客來見首不見尾尾不可掣入海底奇光在眼寒在膚
伸手欲攬千明珠道人烹泉架石鼎鼎中龍吟客初醒

歷下亭

何處輕舟泊殘楊綠不深波光依枕上雲影沒湖心名
士知多少空亭自古今清宵有鄉夢彷彿聽挈音

曉泛明湖至匯泉寺

星落雞始號攜舟泛湖曲水禽嬾於人猶抱冷雲宿風
細蒲亂鳴露重花新沐沿緣得精藍放梵隔叢竹野僧
龐須眉疏敝具冠服過頭杖影長泛乳茶味熟導客坐
虛寮晨光散林木炤爛東方霞湖水不能綠

花宜館詩鈔

卷五

十一

種竹

鄰園諧價劇新竿客土移根翠未殘得地頓教生意滿
成陰要與後人看美材並世求須亟直節當風護最難
莫遣客嘲饑太守只知咒筍佐盤餐

王蕉園都轉

定杜

招集也可園聽歌感賦

先公會此遊蹤寄花竹相逢倍有情冠蓋幸陪無事飲

管絃翻憶舊時聲尊前殘月銜山近堂下春泉濺雪輕

名士濟南零落盡更誰聞笛感淒清

阿雨窗先生官山東運使時先大

夫在幕中時也可園初落成與沈芷生黃小薌桂未谷

家秋鶴竹虛諸先生相倡和而縱署有自演樂部賭酒
徵歌極一時之盛

迎謁中丞至黃山店歸憩釣突泉道院有作

入山非爲看山遊側耳前車唱八騶小吏謂余宜束帶
道人留客共持甌棗花隔院香能到薜石沈波字尙留
水鳥不驚塵不浣世間原自有清流

夜行長清道中午飯張夏舒自庵明府

化民

來以

酒食餉

百折青巖路鞭絲逐暗塵車燈出遙樹村椽護行人倦
跡吾聊憩迂談客不賤當官如酒味難得是清醅

北渚

日暮行吟北渚前宦情歸思兩茫然扁舟涼雨蕭蕭髮

花宜館詩鈔

卷五

七

又爲荷花住一年

雜詩五首

萬物各有天任天庶無憂夙聞九州外曠蕩良可遊鐘
鼓饗鷄鶡文繡被犧牛豈不極榮侈固非心所求
北風吹黃沙蕭條古城下昔人路歧泣傷心何爲者繁
霜日以降草木已變衰處堂羞燕雀遠適良所期君車
可以駕君馬可以馳君心無人識出門將安之

肥馬飽玉禾瘦馬齧枯草肥馬肉自多瘦馬骨骼好肉
多令人喜錦鞵誇繡藻旗門笳鼓喧一蹶不自保回看
病乘黃泥塗送衰老平生千里志相知恨不早手把白

玉鞭惆悵橫門道

麴醴赤堇山精金產其幽大冶不自巧心乃與天謀雷
霆殷鞞扇爛爛白虹流屈伸稟龍性至剛始能柔華堂
饗嘉賓拂拭當高秋一使姦佞寒復見烟塵收丈夫自
有懷細碎安足讎

雕俎陳四筵寶燈張九微吳妖曳香屣越豔舞春衣八
音何繁會宛宛梁塵飛微聞有歎喟靜女在中闈仰慚
素業殊俯懼衆情違君子方宴樂默默抱琴歸

泉上

城東多名泉雨漲日夜聲鐘磬金鼓作清激環珮鳴偶

花宜館詩鈔

卷五

三

來泉上坐移我江湖情願洗胷中塵莫濯頭上纓濯纓
垢易盡洗心塵易生仰見浮雲去皓月亦以盈曠蕩六
合間矚然還大清

潭西精舍

出城無百步荒寂似空山樹色破窗上蟲聲落葉間不
飛雲太嬾長餓衲仍閒泉味清如許茶甌未可慳

古寺倚高柳空潭落晚荷近遊閒日少老輩好詩多

正生黃小
薊諸先生

或有殘碑在應無俗客過久留潭不厭竹石

沈謂

細摩挲

北極閣看城南諸山

山如高士不入城搔首踟躕那能見是誰有意善招致
到此都教現真面錦屏高張盡百里畫筆濃皴有千變
秋風落木定紛紛遠色含烟尙蔥蘢青羊道人去已久
舊有李道士
居此工彈琴石上經年冷琴薦不然一彈衆山響頓令
世上箏琶賤今來延仁苦寂寥閣外斜陽語歸燕興闌
卻上匯波樓更看灤水明如練

誰山

香火荒祠鐘鼓催奇方肘後已成灰滿山藥草無人識
空向春風綠一回

華不注

花宜館詩鈔

卷五

十四

孤秀鬱千尺羣山不相從奇絕無可言但言青芙蓉車
從齊河來十里見顏色天然謝公詩何曾事雕飾

誰華橋三首

湖水平橋綠似苔臨湖小店幾家開可憐瘦馬識人意
只揀綠楊深處來

小坐何妨藉石苔閒遊更促酒船開西風容易催秋老
不爲荷花也合來

淙淙急雨破蒼苔濛濛晴光夕照開水面羣飛忽驚散
白鷗應怪長官來

與沈台簪

淮

飲歷下亭看荷花

蓬萊宮殿吾不知六月無暑無逾斯高亭颯爽出水面
俯看艇子來透遲新荷豔豔朱粉施漢皋洛浦紛仙姿
風裳水佩不自持肯來從我相娛嬉江南採蓮不須唱
對酒但宜歌楚詞人生良會不可期莫待嫋嫋西風吹
李邕杜甫頗解事我輩正可相追隨勸君痛吸黃頗黎
看我倒著白接離世上紛紛內熱子夏畦自病無乃癡
明月欲出涼滿衣誰能買此價不貲何須弱水三萬里
覓取雪散冰丸爲

送表兄程方舟之京師

躍馬從我東欲閱海中市旁人識弟兄壽骨同貫耳今

花宜館詩鈔

卷五

五

日胡北轅風雨不肯止自憐范綈寒將博毛檄喜當時

席帽客豪蕩六七子

君及譜香鴻治諸君與余同應癸酉京兆試

健筆飛掣

鷹密字門酣蟻出手竟得盧謬言自隗始今我迷簿領
而子將老矣餓麟誰落毛干祿非得已枳棘亦可棲河
清固難俟

暇日出遊雜成八首

園池休問博陵君一片青山帶夕曛月倚風淪誰解道
至今人憶尹參軍

高閣凌煙付劫灰故鄉廟貌尙崔嵬何當覓取曹韓手

更遣三花畫忽雷

五龍潭側有胡公秦叔寶祠

二十四泉泉水肥繞城行藥雨沒微不知遺跡今餘幾
水記空傳李格非

兩寺東西一巷開舜泉泮滷漾蒼苔歷山記在河東縣
誰賦英皇汲井來

明璫翠羽感微吟秋水芙蓉瘦不禁憑仗碧筩能追暑
風流真憶使君林

名士軒頭蹟已荒遺祠猶傍水雲鄉南豐文字匡劉亞
寂寞人間一瓣香

湖上有香子固祠

滄溟氣壓鳳麟洲空自名高白雪樓流水孤村斜照外
啼鳥聲散鮑山秋

花宜館詩鈔

卷五

去

湖上微波夕有煙幾行秋柳思纏緜漫誇黃竹青荷句
慘綠當時尙少年

花宜館詩鈔卷之五終

